



ГАРЧИГ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

143.	Элчин сайдыг эгүүлэн татах, тохоон томилох тухай	Дугаар 18	350
144.	Элчин сайдыг эгүүлэн татах, тохоон томилох тухай	Дугаар 19	350
145.	Элчин сайдыг эгүүлэн татах, тохоон томилох тухай	Дугаар 20	351
146.	Элчин сайдыг тохоон томилох тухай	Дугаар 21	351

МОНГОЛ УЛСЫН ЗАСГИЙН ГАЗРЫН ТОГТООЛ

147.	Үндэсний спортын Ү их наадам зохион байгуулах тухай	Дугаар 13	352
148.	Журам батлах тухай	Дугаар 14	352
149.	Тэтгэврийн хэмжээг нэмэгдүүлэх, тэтгэврийн доод хэмжээ болон цалингийн итгэлцүүрийг шинэчлэн тогтоох тухай	Дугаар 15	355
150.	Нийгмийн халамжийн тэтгэвэр, асаргааны тэтгэмжийн хэмжээг шинэчлэн тогтоох тухай	Дугаар 16	357
151.	Тогтоол хүчингүй болсонд тооцох тухай	Дугаар 17	358
152.	Дотоодын үйлдвэрлэгчдийг дэмжих зарим арга хэмжээний тухай	Дугаар 18	358
153.	Төрийн өмчит үйлдвэрийн газрыг татан буулгах тухай	Дугаар 19	359



МОНГОЛ УЛСЫН ЕРӨНХИЙЛӨГЧИЙН ЗАРЛИГ

2014 оны 02 дугаар
сарын 24-ний өдөр

Дугаар 18

Улаанбаатар
хот

Элчин сайдыг эгүүлэн татах, тохоон томилох тухай

Монгол Улсын Үндсэн хуулийн гучин гуравдугаар зүйлийн 1 дэх хэсгийн 5, Монгол Улсын Ерөнхийлөгчийн тухай хуулийн 14 дүгээр зүйлийн 3, Дипломат албаны тухай хуулийн 16 дугаар зүйлийн 16.1 дэх хэсгийг тус тус үндэслэн ЗАРЛИГ БОЛГОХ нь:

Монгол Улсаас Испанийн Вант Улсад суугаа Онц бөгөөд Бүрэн эрхт Элчин сайд Шүхэрийн Алтангэрэлийг эгүүлэн татаж, Монгол Улсаас Испанийн Вант Улсад суух Онц бөгөөд Бүрэн эрхт Элчин сайдаар Мундагбаатарын Батсайханыг томилсугай.

**МОНГОЛ УЛСЫН
ЕРӨНХИЙЛӨГЧ**

Ц.ЭЛБЭГДОРЖ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2014 оны 02 дугаар
сарын 24-ний өдөр

Дугаар 19

Улаанбаатар
хот

Элчин сайдыг эгүүлэн татах, тохоон томилох тухай

Монгол Улсын Үндсэн хуулийн гучин гуравдугаар зүйлийн 1 дэх хэсгийн 5, Монгол Улсын Ерөнхийлөгчийн тухай хуулийн 14 дүгээр зүйлийн 3, Дипломат албаны тухай хуулийн 16 дугаар зүйлийн 16.1 дэх хэсгийг тус тус үндэслэн ЗАРЛИГ БОЛГОХ нь:

Монгол Улсаас Бүгд Найрамдах Ардчилсан Алжир Ард Улсад суугаа Онц бөгөөд Бүрэн эрхт Элчин сайд Бүрэнжаргалын Оросоог эгүүлэн татаж, Монгол Улсаас Бүгд Найрамдах Ардчилсан Алжир Ард Улсад суух Онц бөгөөд Бүрэн эрхт Элчин сайдаар Мундагбаатарын Батсайханыг томилсугай.

**МОНГОЛ УЛСЫН
ЕРӨНХИЙЛӨГЧ**

Ц.ЭЛБЭГДОРЖ



МОНГОЛ УЛСЫН ЕРӨНХИЙЛӨГЧИЙН ЗАРЛИГ

2014 оны 02 дугаар
сарын 24-ний өдөр

Дугаар 20

Улаанбаатар
хот

Элчин сайдыг эгүүлэн татах, тохоон томилох тухай

Монгол Улсын Үндсэн хуулийн гучин гуравдугаар зүйлийн 1 дэх хэсгийн 5, Монгол Улсын Ерөнхийлөгчийн тухай хуулийн 14 дүгээр зүйлийн 3, Дипломат албаны тухай хуулийн 16 дугаар зүйлийн 16.1 дэх хэсгийг тус тус үндэслэн ЗАРЛИГ БОЛГОХ нь:

Монгол Улсаас Лихтенштейний Вант Улсад суугаа Онц бөгөөд Бүрэн эрхт Элчин сайд Лувсанцэрэнгийн Оргилыг эгүүлэн татаж, Монгол Улсаас Лихтенштейний Вант Улсад суух Онц бөгөөд Бүрэн эрхт Элчин сайдаар Ваанчигийн Пүрэвдоржийг томилсугай.

**МОНГОЛ УЛСЫН
ЕРӨНХИЙЛӨГЧ**

Ц.ЭЛБЭГДОРЖ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2014 оны 02 дугаар
сарын 24-ний өдөр

Дугаар 21

Улаанбаатар
хот

Элчин сайдыг тохоон томилох тухай

Монгол Улсын Үндсэн хуулийн гучин гуравдугаар зүйлийн 1 дэх хэсгийн 5, Монгол Улсын Ерөнхийлөгчийн тухай хуулийн 14 дүгээр зүйлийн 3, Дипломат албаны тухай хуулийн 16 дугаар зүйлийн 16.1 дэх хэсгийг тус тус үндэслэн ЗАРЛИГ БОЛГОХ нь:

Монгол Улсаас Андоррын Хант Улсад суух Онц бөгөөд Бүрэн эрхт Элчин сайдаар Мундагбаатарын Батсайханыг томилсугай.

**МОНГОЛ УЛСЫН
ЕРӨНХИЙЛӨГЧ**

Ц.ЭЛБЭГДОРЖ



МОНГОЛ УЛСЫН ЗАСГИЙН ГАЗРЫН ТОГТООЛ

2014 оны 1 дүгээр
сарын 18-ны өдөр

Дугаар 13

Улаанбаатар
хот

Үндэсний спортын Ү их наадам зохион байгуулах тухай

Биеийн тамир, спортын тухай хуулийн 7.1.5, 16.1, 20.3 дахь заалтыг үндэслэн Монгол Улсын Засгийн газраас ТОГТООХ нь:

1. Үндэсний спортын Ү их наадмыг 2014 оны III улиралд багтаан орон даяар зохион байгуулсугай.

2. Их наадмыг зохион байгуулахад шаардагдах зардлыг санхүүжүүлэхийг Соёл, спорт, аялал жуулчлалын сайд Ц.Оюунгэрэл, аймаг, нийслэл, дүүргийн Засаг дарга нарт тус тус даалгасугай.

3. Үндэсний спортын Ү их наадмыг зохион байгуулсан тухай дүнг 2014 оны IV улиралд багтаан Засгийн газарт танилцуулахыг Соёл, спорт, аялал жуулчлалын сайд Ц.Оюунгэрэлд даалгасугай.

**МОНГОЛ УЛСЫН
ЕРӨНХИЙ САЙД**

Н.АЛТАНХУЯГ

**СОЁЛ, СПОРТ, АЯЛАЛ
ЖУУЛЧЛАЛЫН САЙД**

Ц.ОЮУНГЭРЭЛ

МОНГОЛ УЛСЫН ЗАСГИЙН ГАЗРЫН ТОГТООЛ

2014 оны 1 дүгээр
сарын 18-ны өдөр

Дугаар 14

Улаанбаатар
хот

Журам батлах тухай

Соёлын өвийг хамгаалах тухай хуулийн 20.5 дахь хэсэг, Засгийн газрын тухай хуулийн 30 дугаар зүйлийн 1 дэх хэсгийг тус тус үндэслэн Монгол Улсын Засгийн газраас ТОГТООХ нь:

1. “Шүүхийн шийдвэрээр төрийн өмчлөлд шилжүүлсэн, гаалийн байгууллагад хураагдсан түүх, соёлын дурсгалт зүйлийг соёлын өвийн сан хөмрөгт шилжүүлэх журам”-ыг хавсралт ёсоор баталсугай.



2. Журмын хэрэгжилтийг хангаж ажиллахыг Соёл, спорт, аялал жуулчлалын сайд Ц.Оюунгэрэл, Гаалийн ерөнхий газар (О.Ганбат), Шүүхийн шийдвэр гүйцэтгэх ерөнхий газар (Д.Ядамдорж)-т тус тус үүрэг болгосугай.

**МОНГОЛ УЛСЫН
ЕРӨНХИЙ САЙД**

Н.АЛТАНХУЯГ

**СОЁЛ, СПОРТ, АЯЛАЛ
ЖУУЛЧЛАЛЫН САЙД**

Ц.ОЮУНГЭРЭЛ

Засгийн газрын 2014 оны 14 дүгээр
тогтоолын хавсралт

**ШҮҮХИЙН ШИЙДВЭРЭЭР ТӨРИЙН ӨМЧЛӨЛД
ШИЛЖҮҮЛСЭН, ГААЛИЙН БАЙГУУЛЛАГАД ХУРААГДСАН
ТҮҮХ, СОЁЛЫН ДУРСГАЛТ ЗҮЙЛИЙГ СОЁЛЫН ӨВИЙН
САН ХӨМРӨГТ ШИЛЖҮҮЛЭХ ЖУРАМ**

1. Нийтлэг үндэслэл

1.1. Шүүхийн шийдвэрээр төрийн өмчлөлд шилжүүлсэн болон гаалийн байгууллагад хураагдсан түүх, соёлын дурсгалт зүйлийг соёлын асуудал хариуцсан төрийн захиргааны төв байгууллагад, соёлын асуудал хариуцсан төрийн захиргааны төв байгууллага нь соёлын өвийн сан хөмрөгт шилжүүлэхэд энэхүү журмыг мөрдлөг болгоно.

2. Мэдээлэх, дүгнэлт гаргах

2.1. Гаалийн ерөнхий газар нь түүх, соёлын дурсгалт зүйлийг харъяа гаалийн газар, хороодоос шилжүүлэн авснаас хойш, шүүхийн шийдвэрээр эд зүйлийг хураан авах эрх бүхий байгууллага нь хураан авснаас хойш ажлын 5 хоногийн дотор энэ талаар соёлын асуудал хариуцсан төрийн захиргааны төв байгууллагад мэдээлнэ.

2.2. Соёлын асуудал хариуцсан төрийн захиргааны төв байгууллага нь мэдээллийг хүлээн авснаас хойш ажлын 15 хоногт багтаан Соёлын өвийг хамгаалах тухай хуульд заасны дагуу түүх, соёлын дурсгалт зүйлийн зэрэглэл, үнэлгээ тогтоох мэргэжлийн зөвлөлийг (цаашид “мэргэжлийн зөвлөл” гэх) мэдээлэл ирүүлсэн байгууллагад ажиллуулна.



2.3. Мэргэжлийн зөвлөлийн гишүүдийн тухайн газарт ажиллахтай холбогдон гарах зардлыг шаардлагатай тохиолдолд мэдээлэл ирүүлсэн байгууллага хариуцаж болно.

2.4. Шүүхийн шийдвэрээр эд зүйлийг хураасан эрх бүхий байгууллага болон Гаалийн ерөнхий газар нь мэргэжлийн зөвлөлийн гишүүдэд хураагдсан түүх, соёлын дурсгалт зүйлийг биетээр үзэх, судлах нөхцөлийг бүрдүүлж ажиллана.

2.5. Мэргэжлийн зөвлөл нь хураагдсан эд зүйлийг түүх, соёлын дурсгалт зүйлд хамаарах эсэхийг шалган тогтоож, ажлын 5 хоногийн дотор дүгнэлт гаргана.

2.6. Соёлын асуудал эрхэлсэн Засгийн газрын гишүүн нь шаардлагатай тохиолдолд түүх, соёлын дурсгалт зүйлийг нягтлан шалгуулахаар нарийн мэргэжлийн шинжээчийг томилон ажиллуулж болно.

2.7. Соёлын асуудал хариуцсан төрийн захиргааны төв байгууллага нь мэргэжлийн зөвлөлийн дүгнэлтийг үндэслэн түүх, соёлын дурсгалт зүйлийн дэлгэрэнгүй жагсаалтыг тухайн байгууллагатай хамтран баталж, Төрийн өмчийн хороонд хүргүүлнэ.

2.8. Түүх, соёлын дурсгалт зүйлийг хадгалж буй байгууллага нь соёлын өвийн сан хөмрөгт шилжүүлэх хүртэлх хугацаанд түүний бүрэн бүтэн байдлыг хангаж, хамгаалах үүрэг хүлээнэ.

3. Түүх, соёлын дурсгалт зүйлийг шилжүүлэх

3.1. Энэхүү журмын 2.7 дахь хэсэгт заасан жагсаалтын дагуу түүх, соёлын дурсгалт зүйлийг соёлын асуудал хариуцсан төрийн захиргааны төв байгууллагад шилжүүлэхэд Шүүхийн шийдвэр гүйцэтгэх ерөнхий газар, Гаалийн ерөнхий газар, Төрийн өмчийн хорооны төлөөллөөс бүрдсэн ажлын хэсгийг талууд хамтран баталж байлцуулна.

3.2. Энэ журмын 3.1-д заасан ажлын хэсэг нь хүлээлцэж буй түүх, соёлын дурсгалт зүйлийн дэлгэрэнгүй жагсаалттай тухайн эд зүйлийг нэг бүрчлэн тулгалт хийж, акт үйлдэн хүлээлцэнэ.

3.3. Хууль бус үйлдлийг таслан зогсооход мэргэжлийн өндөр ур чадвар гаргасан байгууллага, ажилтны талаар олон нийтэд мэдээлэх,



соёлын өвийн сан хөмрөгт шилжүүлсэн үзмэрээр үзэсгэлэн гаргаж сурталчлах ажлыг соёлын асуудал хариуцсан төрийн захиргааны төв байгууллага зохион байгуулна.

3.4. Соёлын асуудал хариуцсан төрийн захиргааны төв байгууллага нь хүлээн авсан түүх, соёлын дурсгалт зүйлийг соёлын өвийн улсын нэгдсэн бүртгэл мэдээллийн санд бүртгүүлж, соёлын өвийн сан хөмрөгт шилжүүлэх арга хэмжээг авч хэрэгжүүлнэ.

3.5. Түүх, соёлын дурсгалт зүйлийг хүлээн авсан байгууллага нь түүх, соёлын дурсгалт зүйлийг хүлээлцсэн тухай ажлын хэсгийн акт, мэргэжлийн зөвлөлийн дүгнэлтийг үндэслэн Төрийн болон орон нутгийн өмчийн тухай хууль, холбогдох журмын дагуу “Музейн үзмэр, эд өлгийн зүйлсийн ерөнхий бүртгэл”, байгууллагын тайлан балансад бүртгэн авна.

4. Хариуцлага

4.1. Шүүхийн шийдвэрээр төрийн өмчлөлд шилжүүлсэн болон гаалийн байгууллагад хураагдсан түүх, соёлын дурсгалт зүйлийг соёлын өвийн сан хөмрөгт шилжүүлэх журмын хэрэгжилтэд соёлын асуудал хариуцсан төрийн захиргааны төв байгууллага хяналт тавих бөгөөд энэхүү журмыг зөрчсөн этгээдэд холбогдох хуульд заасны дагуу хариуцлага хүлээлгэнэ.

МОНГОЛ УЛСЫН ЗАСГИЙН ГАЗРЫН ТОГТООЛ

2014 оны 1 дүгээр
сарын 18-ны өдөр

Дугаар 15

Улаанбаатар
хот

Тэтгэврийн хэмжээг нэмэгдүүлэх, тэтгэврийн доод хэмжээ болон цалингийн итгэлцүүрийг шинэчлэн тогтоох тухай

Нийгмийн даатгалын сангаас олгох тэтгэвэр, тэтгэмжийн тухай хуулийн 5 дугаар зүйлийн 6 дахь хэсэг, 30 дугаар зүйл, Нийгмийн даатгалын тухай хуулиудыг хэрэглэх журмын тухай хуулийн 3² дугаар зүйлийн 1 дэх хэсгийг тус тус үндэслэн Монгол Улсын Засгийн газраас ТОГТООХ нь:

1. Нийгмийн даатгалын сангаас олгох болон цэргийн албан хаагчийн 200000 (хоёр зуун мянга) хүртэлх төгрөгийн тэтгэврийн хэмжээг 270000 (хорин долоон мянга) төгрөгөөр, 600000 (зургаан зуун мянга)



хүртэлх төгрөгийн тэтгэврийн хэмжээг 22000 (хорин хоёр мянга) төгрөгөөр, түүнээс дээш тэтгэврийн хэмжээг 20000 (хорин мянга) төгрөгөөр тус тус нэмэгдүүлэн 2014 оны 2 дугаар сарын 1-ний өдрөөс эхлэн тооцож олгох арга хэмжээ авахыг Хүн амын хөгжил, нийгмийн хамгааллын сайд С.Эрдэнэ, Сангийн сайд Ч.Улаан нарт тус тус даалгасугай.

2. Нийгмийн даатгалын сангаас олгох тэтгэвэр, тэтгэмжийн тухай хууль болон Цэргийн албан хаагчийн тэтгэвэр, тэтгэмжийн тухай хуульд заасны дагуу 2014 оны 2 дугаар сарын 2-ны өдрөөс хойш тэтгэвэр тогтоолгох иргэдийн тэтгэвэр бодох цалингийн итгэлцүүрийг хавсралт ёсоор баталсугай.

3. Нийгмийн даатгалын сангаас олгох болон Цэргийн албан хаагчийн бүрэн тэтгэврийн доод хэмжээг 207300 (хоёр зуун долоон мянга гурван зуу) төгрөгөөр, хувь тэнцүүлэн тогтоосон тэтгэврийн доод хэмжээг 172200 (нэг зуун далан хоёр мянга хоёр зуу) төгрөгөөр тус тус шинэчлэн тогтоож, 2014 оны 2 дугаар сарын 1-ний өдрөөс эхлэн мөрдсүгэй.

4. Энэ тогтоол гарсантай холбогдуулан “Нийгмийн даатгалын сангаас олгох тэтгэвэр бодох цалингийн итгэлцүүр, тэтгэврийн доод хэмжээг шинэчлэн тогтоох тухай” Засгийн газрын 2012 оны 5 дугаар сарын 2-ны өдрийн 153 дугаар тогтоолын 3 дахь заалтыг 2014 оны 2 дугаар сарын 1-ний өдрөөс эхлэн хүчингүй болсонд тооцсугай.

**МОНГОЛ УЛСЫН
ЕРӨНХИЙ САЙД**

Н.АЛТАНХУЯГ

**ХҮН АМЫН ХӨГЖИЛ, НИЙГМИЙН
ХАМГААЛЛЫН САЙД**

С.ЭРДЭНЭ

Засгийн газрын 2014 оны 15 дугаар
тогтоолын хавсралт

**2014 ОНЫ 2 ДУГААР САРЫН 2-НЫ ӨДРӨӨС ХОЙШ
ШИНЭЭР ТЭТГЭВЭР ТОГТООЛГОХ ИРГЭДИЙН
ТЭТГЭВЭР БОДОХ ЦАЛИНГИЙН ИТГЭЛЦҮҮР**

Он	Итгэлцүүр
1990 он ба түүнээс өмнөх он	715.0
1991	358.0



1992	188.0
1993	76.0
1994	46.0
1995	18.1
1996	14.3
1997	11.3
1998	8.70
1999	7.60
2000	5.80
2001	5.00
2002	4.40
2003	3.82
2004	3.29
2005	3.01
2006	2.51
2007	1.88
2008	1.33
2009	1.24
2010	1.10
2011	1.00

МОНГОЛ УЛСЫН ЗАСГИЙН ГАЗРЫН ТОГТООЛ

2014 оны 1 дүгээр
сарын 18-ны өдөр

Дугаар 16

Улаанбаатар
хот

Нийгмийн халамжийн тэтгэвэр, асаргааны тэтгэмжийн хэмжээг шинэчлэн тогтоох тухай

Нийгмийн халамжийн тухай хуулийн 16 дугаар зүйлийн 16.1 дэх хэсгийг үндэслэн Монгол Улсын Засгийн газраас ТОГТООХ нь:



1. Нийгмийн халамжийн тэтгэврийн хэмжээг 2014 оны 2 дугаар сарын 1-ний өдрөөс эхлэн сард 115000 (нэг зуун арван таван мянга) төгрөгөөр, асаргааны тэтгэмжийн хэмжээг сард 52800 (тавин хоёр мянга найман зуу) төгрөгөөр тус тус тогтоон мөрдсүгэй.

2. “Нийгмийн халамжийн тэтгэвэр, нөхцөлт мөнгөн тэтгэмжийн хэмжээг өөрчлөн тогтоох тухай” Засгийн газрын 2012 оны 3 дугаар сарын 16-ны өдрийн 81 дүгээр тогтоолыг хүчингүй болсонд тооцсугай.

**МОНГОЛ УЛСЫН
ЕРӨНХИЙ САЙД**

Н.АЛТАНХУЯГ

**ХҮН АМЫН ХӨГЖИЛ, НИЙГМИЙН
ХАМГААЛЛЫН САЙД**

С.ЭРДЭНЭ

МОНГОЛ УЛСЫН ЗАСГИЙН ГАЗРЫН ТОГТООЛ

2014 оны 1 дүгээр
сарын 18-ны өдөр

Дугаар 17

Улаанбаатар
хот

Тогтоол хүчингүй болсонд тооцох тухай

Монгол Улсын Засгийн газраас ТОГТООХ нь:

Цагдаагийн албаны тухай хууль батлагдсантай холбогдуулан “Мөрдөн байцаах байгууллагын тухай” 1992 оны 6 дугаар сарын 26-ны өдрийн 101 дүгээр тогтоолыг хүчингүй болсонд тооцсугай.

**МОНГОЛ УЛСЫН
ЕРӨНХИЙ САЙД**

Н.АЛТАНХУЯГ

ХУУЛЬ ЗҮЙН САЙД

Х.ТЭМҮҮЖИН

МОНГОЛ УЛСЫН ЗАСГИЙН ГАЗРЫН ТОГТООЛ

2014 оны 1 дүгээр
сарын 28-ны өдөр

Дугаар 18

Улаанбаатар
хот

Дотоодын үйлдвэрлэгчдийг дэмжих зарим арга хэмжээний тухай

Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийн 10 дугаар зүйлийг үндэслэн Монгол Улсын Засгийн газраас ТОГТООХ нь:



1. Худалдан авах ажиллагааг зохион байгуулахдаа тендерийн баримт бичигт Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийн 10 дугаар зүйлд заасны дагуу дотоодын аж ахуйн нэгжүүдийн ирүүлсэн тендерийн Монгол Улсын гарал үүсэлтэй барааны хэсгийн үнийг 10 хувиар, ажил гүйцэтгэх тендерийн үнийг 7.5 хувиар хийсвэрээр бууруулж тооцон давуу эрх олгож ажиллахыг захиалагч нарт үүрэг болгосугай.

2. Тендерт оролцогчдод давуу эрх олгосон талаархи мэдээг худалдан авах ажиллагааны улирлын тайланд дэлгэрэнгүй тусган Сангийн яаманд тухай бүр хүргүүлж байхыг Төсвийн ерөнхийлөн захирагч нарт даалгасугай.

3. Үндэсний үйлдвэрийн бараа, бүтээгдэхүүнийг өөрийн хэрэгцээнд худалдан авч, дотоодын үйлдвэрлэлээ тогтмол дэмжихийг нийт иргэд, аж ахуйн нэгж, байгууллага, хөрөнгө оруулагч, үйлдвэрлэгч нарт уриалсугай.

**МОНГОЛ УЛСЫН
ЕРӨНХИЙ САЙД**

Н.АЛТАНХУЯГ

САНГИЙН САЙД

Ч.УЛААН

МОНГОЛ УЛСЫН ЗАСГИЙН ГАЗРЫН ТОГТООЛ

2014 оны 1 дүгээр
сарын 28-ны өдөр

Дугаар 19

Улаанбаатар
хот

Төрийн өмчит үйлдвэрийн газрыг татан буулгах тухай

Төрийн болон орон нутгийн өмчийн тухай хуулийн 9 дүгээр зүйлийн 5 дахь хэсгийг үндэслэн Монгол Улсын Засгийн газраас ТОГТООХ нь:

1. “Өгийнуурын ус, намгархаг газрын Мэдээлэл сургалтын төв” төрийн өмчит аж ахуйн тооцоотой үйлдвэрийн газрыг татан буулгаж, тус төвийн дансанд бүртгэлтэй үндсэн болон эргэлтийн хөрөнгө, хэрэгжүүлж байсан чиг үүргийг зохих журмын дагуу Орхон голын сав газрын захиргаанд шилжүүлэх арга хэмжээ авахыг Байгаль орчин, ногоон хөгжлийн сайд С.Оюун, Төрийн өмчийн хороо (С.Цогтбаатар)-нд даалгасугай.



2. Энэ тогтоол гарсантай холбогдуулан “Төрийн өмчит үйлдвэрийн газар байгуулах тухай” Засгийн газрын 2011 оны 7 дугаар сарын 6-ны өдрийн 213 дугаар тогтоолыг хүчингүй болсонд тооцсугай.

**МОНГОЛ УЛСЫН
ЕРӨНХИЙ САЙД**

Н.АЛТАНХУЯГ

**БАЙГАЛЬ ОРЧИН, НОГООН
ХӨГЖЛИЙН САЙД**

С.ОЮУН

Хаяг:

“Төрийн мэдээлэл” эмхэтгэлийн редакци.
Улаанбаатар-14201, Төрийн ордон 124 тоот
И-мэйл: turiin_medelel@parliament.mn

Утас: 262420

Хэвлэлийн хуудас: 0.75

Индекс: 14003